

Ge HIV/Aids e tsena  
bophelong bja gago ...



**bible society**  
of south africa

## **Ga se wa lebalwa**

Mohlomongwe o yo mongwe wa ba dimilione mo nageng ya rena bao HIV/Aids e fetogile nnete yeo e sa fetolwego. Go no swana le ba bantši bao ba amilwego ke HIV/Aids, o ka ikhwetša o le ntweng ya maikutlo go swana le dihlong, pefelo le gona go ikwa o nolegile mooko le go timela, mola o na le poifo ya gore wena goba bao ba lego kgauswi le wena ba tla hlokologwa.

## **Modimo o a hlokomela!**

Bibele e re bontšha gore Modimo o na le lerato leo le ikgethilego ebile o hlokomela bao ba hlokologilwego le go phaelwa thoko ke setšhaba. Ge o ikwa o hlokologilwe, Modimo o a go fihlelala:

Modimo ke setšhabelo sa rena  
le maatla a rena;  
ke komana madulaabapile mabakeng  
a mathata.

**DIPESALOME 46:1**

“Etlang go nna bohole ba le lapilego gape le imelwago, gomme ke tla le khutšiša. Phelang ka dithuto tša ka, gomme le ithuteng ka nna, ka gobane ke yo botho, ke wa pelo ya boikokobetšo, gomme ke tla le khutšiša. Gobane go phetha tše ke le rutago tšona ga go bothata, le mediro ye ke le fago yona go bonolo go e dira.”

**MATEU 11:28-30**

**\*Ditemana tša mangwalo a makgethwa di tšerwe ka go Bibele ya Sepedi 2000.**

## Jesu o tlie lefaseng le go tla go ba Mophološi wa lona, e sego Moahlodi

“Gobane Modimo o ratile lefase kudu mo a ilego a ba a le fa Morwa wa gagwe a le noši, gore mang le mang yo a dumelago go yena a se lahlege, eupša a be le bophelo bjo bo sa felego. Gape Modimo ga se a roma Morwagwe lefaseng gore a tle a le ahlole, o mo romile gore a tle a le phološe.

“Yo a dumelago go Morwa wa Modimo a ka se ahlolwe.”

**JOHANESE 3:16-18a**

Fela ke a tseba gore mafelelong  
Modimo o tla nkemelela  
ge a ahlola lefase.  
Le ka morago ga ge letlalo la ka le  
llwe ke bolwetši,  
ke tla bona Modimo ke sa phela.  
Ke tla iponela yena ka mahlo a ka,  
gomme yena e ka se be mošele.  
Ke mo hlolosetše ka pelo ya ka ka moka.

**JOBO 19:25-27**

## Thapelo ya kholofelo go bao ba tlaišegago

Le se ke la boifa –  
ke na le lena!  
Le se ke la lealea –  
ke nna Modimo wa lena!  
Ke a le tiiša, ke a le thuša,  
ke a le šireletša,  
ke le hlakodiša ka maatla a ka.

**JESAYA 41:10**

Yena Morena wa khutšo a fele a le fa  
khutšo le ka mekgwa yohle.

**2 BATHESALONIKA 3:16a**

Founela Mogalathušo  
wa Aids go:

0800 012 322

goba kereke ya geno  
go hwetša keletšo.



E gatišitšwe le go phatlalatšwa ke ba  
Bible Society of South Africa.  
[www.biblesociety.co.za](http://www.biblesociety.co.za)



BibleSA.co.za

**BibleSA**

Bibles and audio Bibles are  
available on the **BibleSA** app.